

文館詞林
二



文館詞林
二

叢書集成

初編

主編 王雲五

商務印書館發行

王雲五主編

叢書集成初編

文 館 詞 林
二 冊

中華民國二十五年十二月初版

撰 者 許 敬 宗 等

發 行 人 王 雲 五
上海河南路

印 刷 所 商 務 印 書 館
上海河南路

發 行 所 商 務 印 書 館
上海及各埠

文館詞林卷第六百六十二 詔卅二 征伐上

中書令太子賓客監修國史弘文館學士上

柱國高陽郡開國公臣許敬宗等奉 勅撰

太宗文皇帝伐遼手詔一首

漢武帝欲伐匈奴詔一首

答淮南王諫伐越詔一首

魏文帝論伐吳詔二首

魏常道鄉公伐蜀詔一首

西晉武帝伐吳詔一首

答杜預征吳節度詔一首

東晉明帝非討詔一首

東晉成帝非討詔一首

東晉安帝征劉毅詔一首

後魏孝文帝戒師詔一首

出師詔一首

後魏節閔帝伐爾朱文暢等詔一首

後魏孝靜帝伐元神和等詔一首

宋順帝西討詔一首

南齊明帝非伐篡廢詔一首

梁武帝非伐詔一首

又北伐詔一首

北齊文宣帝征長安詔一首

西伐詔一首

後周武帝伐北齊詔二首

太宗文皇帝伐遼手詔一首

門下行師用兵古之常道取亂侮亡先哲所貴高麗
莫離支蓋蕪文弑逆其主酷害其臣竊據邊隅肆其
蜂蠆朕以君臣之義情何可忍若不誅翦遐殲無以
懲肅中華今故欲巡幸幽荆問罪遼碣行止之宜務
存節儉所過營頓無勞精飾食唯充飢不須珍膳水
可泔渡者無假造橋道路通行者不用脩理御營非
近州縣學生老人等無煩迎謁恐致勞擾弊於往來
昔隋室淪亡其源可觀良由智略乖於遠圖兵士疲
於屢戰政令失度上下離心德澤不加於匹夫刻薄
窮於萬姓當此時也高麗之主仁愛其民仰之如
父母煬帝殘暴其衆故衆視之如仇讎以思亂之軍
擊樂安之卒務其功也不亦難乎何入水而惡其濡
踐雪而求無跡朕顧懷前載無窮內省昔受鉞專征
提戈撥亂師有經年之舉食無盈月之儲軍之餘資
朝不供夕至於賞罰之信尚非自決於心然猶所向

風靡前無橫陳蕩氛霧於五岳翦釘復於九野定海

內拯蒼生使萎霜之草復含翠色將朽之骨重反豐

肌然則行軍用兵之事皆億兆之所親見豈虛言哉

及至端拱嚴廊定策惟度身處九重之內謀決萬里

之外非珍甸奴種落有若摧枯西滅吐谷渾高昌易

於拾芥苞絕漠而爲苑跨流沙以爲池黃帝不服之

□唐堯不臣之域竝皆委質奉貢歸風順軌然則崇

威啓化之道此亦天下所共聞也況今豐稔多年家

給人足餘糧廩畝積粟紅倉雖足以爲兵儲猶恐勞

於轉運故多驅牛羊以充軍食人無裹糧之費衆有

隨身之稟如斯之事豈不優於曩日加以躬先七萃

親決六奇使攻無所守戰無所拒略言其數必勝之

道蓋有五焉一日以我大而擊其小二日以我順而

討其逆三日以我治而乘其亂四日以我逸而敵其

勞五日以我悅而當其怨何憂不剋何慮不摧可使

布告元元勿爲疑懼耳

漢武帝欲伐匈奴詔一首

制詔朕飾子女以配單于金幣文繡賂之甚厚單于

待命加甥侵盜無已邊境被害朕甚閔之今欲舉兵

答淮南王安諫伐越詔一首

皇帝問淮南王使中大夫王上書言事聞之朕奉先

帝之休德夙興夜寐明不能燭重以不德是以比年

凶災害衆夫以眇眇之身託于三侯之上內有飢寒

之人南夷相攘使邊騷然不安朕甚懼焉今王深惟

重慮明太平以弼朕失稱三代至盛親天接地人連

所及咸盡賓服藐然甚慙嘉王之意靡有所終使中

大夫助論朕意告王越事

魏文帝論伐吳詔二首

制詔昔軒轅不爲涿鹿之師則蚩尤之妖不滅唐堯

不興丹水之陳則南蠻之難不平漢武不行呂嘉之

罰則橫浦之表不附光武不加蓋述之誅則隴蜀之

亂不清故曰非威不服非兵不定孫權小醜憑江悖

暴因有外心凶頑有性故奮武銳順天行誅驍驍龍

驤猛將武步武脩勾踐潛涉之□頑或圖韓信夏□

之誑愚接舡以水攻陳六軍以陸橫擊征南進運以

圍江陵多獲舟舡斬首執俘降者盈路牛酒日至大

司馬及征東諸將卷甲長驅其舟隊今已何濟今車

駕自東爲之瞻鎮雲行天步乘雲而運賊進退迫追

必自魚爛不復血刃宜慎終節動靜以聞

制詔督軒轅建四面之號周武稱予有亂十人斯蓋先聖所以體國若人亮成天工多賢爲貴也今內有公卿以鎮京師外設牧伯以監四方至於元戎出征則軍中宜有柱石之賢師輜重所在又宜有鎮守之重臣然後車駕可以周行天下無內外之慮吾今當征賊欲守之積年其以尚書令穎鄉侯陳羣爲鎮軍大將軍尚書僕射西鄉侯司馬懿爲撫軍大將軍若吾臨江授諸將方略則撫軍當留許昌督後諸軍錄後臺文書事鎮軍隨車駕當督行尚書事皆假節鼓吹給中軍兵騎六百人吾欲去江數里築宮室往來其中見賊可擊之形使出奇擊之若或未可則當紆六軍以遊獵饗賜軍士

魏常道鄉公伐蜀詔一首

制詔蜀最爾小國土狹人寡而姜維虐用其衆曾無廢志往歲破敗之後猶復耕種沓中刻剝衆羌勞役無已人不堪命夫兼弱攻昧武之善經致人而不致於人兵家之上略蜀所恃賴唯維而已因其遠離巢窟用力爲易今使征西將軍劉艾督率諸軍趁甘松沓中以羅取維雍州刺史諸葛緒督軍趁武街高樓

首尾取討若禽維便當東西並進掃滅巴蜀也

西晉武帝伐吳詔一首

制詔兵興以來八十餘年戎車出征罔有寧歲死亡流離傷害和氣朕每惻然悼心思嚴兵靜役與人休息故罷習業廣分休假大遣扶老養孤及女朝夕相對而吳賊失信比犯王畧胡虜校勳寇害邊垂人兵飲少不足禽制輒當前休中土以相應赴將士疲悴而猶不及事欲以爲靜而更爲勞昔淮夷不賓成王東伐玃狁作難戎車夏征自古及今咸皆勤戎遠戍先勞後逸未有得脩無爲於有事之時也自宣皇帝以來每以吳蜀爲憂邊事爲念今孫皓犯境夷虜擾邊此乃祖考之遺慮朕身之大耻也故繕甲脩兵大興戎政內外勞心上下効力以南夷勾吳非威戎狄然乃得休牛放馬與天下共饗無爲之福耳今調諸士家有二丁三丁取一人四丁取二人六丁以上三人限年十七以上至五十以還先取有妻息者其武勇散將家亦取如此比隨才署武勇掾史樂市馬爲騎者署都尉司馬中間以來內外解弛吏憲盡忠之心將無致命之節朕方靜人用未加罪戮今當大脩戎政以混壹六合賞功罰情明罰整法其宣勅中外

羣官使各悉心畢力明爲身計主者以時施行條品
西晉武帝答杜預征吳節度詔一首

制詔夫悅以犯難人忘其死此用兵之本若乃臨戎
致果則必莅之以牲斷之以威故商令主告晉其家
用命賞於祖不用命戮于社昔魏降穰苴列國陪臣
苟有犯其政令者雖親如揚干莊賈皆戮之無疑用
能尊主立勳垂聲載籍今廣命羣帥浚江致討將以
靜齊南裔綏寧四海蓋鷹揚畔闕之士成功之一會
也可不勗哉懸旌萬里當令首尾協同此旣然矣且
元帥所親或本不相督威令教禁素不服習若各任
所見不相順從必顛越不振以疚大事兵凶戰危呼
歛成變可不慎耶斯乃三軍之命國之安危苟有乖
遺以致負敗雖賈領之罰必加鈇鉞之誅必用固無
及矣是故投之死地而後生蓋知亡必存也人故殺
人而萬夫齊勇蓋自古之政也方岳元帥推轂所委
若需儒經法忘在公之義上愆國命下墜徒衆雖悔
身何及凡所督敢距違節度便以軍令從事書稱宣
力汝爲又曰尙桓桓如武如貔如熊如羆軍司將軍
其各勉之申勒羣帥以下使知此命

東晉明帝北討詔一首

制詔昔魏終撫和諸戎邛都魏尙威攝匈奴故封疆
之任在於得才漢文所以思廉頗李牧也單于慕容
殘不遠萬里請更率職禮讓忠義著之遐朔欲勦力
國難剪滅長蛇宜得名曹英才以董統之傳一時齊
舉致討寇庭此聲實並振離越在海外其狀若身手
矣尙書廣陵公眭弘量淹濟議謀經通文武著於勲
績忠誠每思立事可委以重任使朕無北顧之憂者
也其以眭持節督幽平并州諸軍事領護東夷校尉
鎮東將軍平州刺史公如故王者假授諸所應供給
及信風引道

東晉成帝北討詔一首

制詔戎夷猾夏神州傾覆二帝辭官幽沒虜庭永言
厭艱夙夜慨憤自聞江表屢有事故剋平內難始漸
夷秦征伐事大役不再舉是以廟筭待期畜力觀釁
今羯寇衰弊王略彌振時至理盡天人玄應大將軍
涼州刺史西平公駿忠勲三代義誠壯烈總帥秦涼
爲國宣力今遣健步剋同征舉宜令影響相應萬里
齊契其先普告遠近征鎮牧守諸軍竝令誠嚴須使
還進討蕩滌區宇以雪國耻其忠臣義士徇功効命
必加殊賞以旌勳節

東晉安帝征劉毅詔一首

朱傳亮

制詔劉毅傲俱凶戾履霜已久中間覆敗宜卽顯戮
晉法舍弘復蒙寵授曾不思愆內訟怨望滋甚賴宰
輔藏疾特加遵養遂復推轂陝西庶能感華心而長
惡不懷志爲奸宄陵上虐下縱逸無度旣解督任江
州非復所統擬從兵衆畧取租運駭斥舊戎厚樹親
黨西府二局文武盈萬悉皆割留曾無片言肆情恣
愆罔顧天明又與從弟蕃遠相景響招聚剽殺繕甲
脩兵外託省疾實規伺隙同惡相濟圖會荆郢尚書
左僕射謝混憑藉資起蒙殊遇而佻躁銳職爲亂
階扇動外日連謀萬理是而可思孰不可懷已詔太
尉隨宜剪戮諸所處分一委公高第

後魏孝文帝戒師詔一首

門下夫出征有嘉政正邦之象典焉王赫斯怒蓋萬
周之祐明矣夫然則蚩尤之戰不亦宜乎變伐之功
豈非茂歟是以乾儀雖眇景曜莫殊坤壤雖廓皇輝
罔二符尉他僭越終屈漢命孫皓跨吳竟歸晉師斯
乃天地之常運人理之恒數耶今蕭氏篡竊江會未
賓王化士有二王之嫌物無一同之慶人神所以憤
悅於幽顯靈祇所以咨嗟於昏明彼旣得非用順又

守不以仁逆君之罪未忘於南宸虐吓之政已形於
北京難遏之機於茲莫再矣朕承考列累聖之隆構
猥屬後仁必伐之嘉運仰稟先后慈聖之誨俯賴侯
辟匡弼之誠四海熙寧八表邕泰謨明聘智之臣競
思於廟堂爪牙折衝之將揮袂於陛闕玉燭休和士
卒殷溢此而不舉熟復可也是故夙夜慨慮寢靡
輟將欲仰順天心俯拯疇物布德宣風躬接江漢窮
僞勃於荆揚蕩不臣於岷越混茲文軌載昌皇業上
答祖宗傳授之意下副黔兆傾戴之心然與師勲戎
必須豫策振威舉旆定待儲伏可勅尙書八坐與三
公詳議軍資邊實之宜介冒戈稍之用皆令脩備使
有征無戰臨事果稱不亦善乎

後魏孝文帝出師詔一首

門下蕭鸞悖道及德唱逆滔天往齡順動鼓鍾彰罰
僞朝將相請虔聘貢南冠東琛許在旬日朕以大道
崇寬海量無細愆彼蒼生徒羅厥擾故開天墜鼎盪
地容瑕歸風之際聽其祇遣而禍迷狂心天弃虐政
不知事大以衡社稷旋生微詭反以我讎頓辱王人
前主之使怒甲及乙妄生鋒卒鬱飯臭魚以弊行李
食言爽信違絕踐好內離九族之親外杜強鄰之援

表裏俱失不亡何待所謂我直彼曲人神同憤者也
將襲行天伐誓殄通纂然討國混化功爲至遠不可
曰一舉指期吳員有言三師以肆楚必道弊誠哉茲
談可不驗歟今歲便勃豫郢東荆東豫東郢南充南
徐東徐等嚴兵勦衆南入揚威迎降納附廣張聲略
果有機也遂爲龍驤之捷如未可焉且爲示德之師
皆仰刺史躬率戎首若致稽疑軍法從事一二亦有
別勅耳又詔徐亮光南青荆洛纂備戎事應召必赴
臨命淹關國有常刑

後魏節閔帝伐爾朱文暢等詔一首

魏收

門下有國有家必以賞罰爲本武王或霸莫不崇明
軌律眇自前古下至於今又亂之來咸由此道自永
安失馭天下橫流爾朱宗屬分割海內不臣著於遠
近社稷傾於旦夕蒼生荼苦冠帶寒心人丞相渤海
王忠義通神靈武冠代大惟宗祏之重深愍黎庶之
愆定策啓行被堅執銳摧羣醜於鄴南東凶鬼於洛
下惡黨梟懸人神明目故天柱大將軍榮所有諸子
實惟逆徒論之典刑義不獨免尸□腰斬孰曰非宜
相王顧敦仁厚之風深存契闊之義朝政乃屈法申
恩時主則成人之美全其門戶赦其骸骨血祀獲保

家業不墜孽鍾鼎食家成市里毋則尊稱長主望傾
威屬二子爵窮十等位居八命荷國家山岳之惠受
相王子弟之恩銘鑒其心罕知盈足朝市憚其威福
州郡拘其託請傷風害政布於人言永不悛改終無
畏自邪成翼從裁及拱持此童昏早濫王爵誠是
國朝後迫往効莫非相王覆育之厚且託陰不折其
枝過食不毀其舉豈有受人令濟之貸託人姻嬖之
親而招此怨惡搆茲奸逆潛署位號身爲魁藪趙越
侏張圖成反噬此而可忍孰不可懷朕以寡德君臨
萬寓今者南越江湖北窮沙漠東踰遼海西極關河
內安外穆華戎謐爾豈朕寡德所能獨致定賴相王
父子左右皇家經綸夷嶮峻扶持國命四海百靈所共
依仰文暢昆季狂勃如斯既不利王且將危朕今不
翦蕩後難方深永言念之震驚夢寐夫管蔡流言周
誅肆於前祀上官桀禍漢罰窮於青年雖親在骨肉
地居戚里未聞縱其腰領全其苗裔若使在恩忘義
存惠捨威則邦國淪覆翹足可待且國有正刑朝有
常制君親無將事光先典捨而不行何以爲化宜肅
舉刑書示於億兆文暢兄弟宜依律坐可令驃騎大
將軍開府儀同三司尚書右僕射安德郡開國公祖

奇速往行決母及妻子一依恒■其房子遠鄭仲禮
李代林等頗蓄小醜謀此亂階身既伏辜家有常例
但侍中房讓執心端固操履清白出內在公績著朝
野善人斯宥抑有舊聞仲禮本自傍學晚見收舉身
不列於伯季迹未入於家門一居晉陽內同行路代
林生而外後事絕本親罪不相及義實有取相王弃
瑕錄用志存含育既有啟聞事如高旨其此三家依
啓原恕並免其官誦罪私室自餘衆鏡皆從律條文
暢已下同逆之類義士弃其美萊資財豈汗王府所
有家產悉賞軍人一任相王斟酌分給漆頭焚首歷
代共之濟宮醢骨蓋唯通准天之所弃人其舍諸
後魏孝靜帝伐元神和等詔一首 魏收

門下向背有禍福之機誅賞爲威勸之本軌物成務
咸必由之侯景擢自凡猥名行無聞倂倖時來謬見
收試狹猾反覆唯利是從往事爾朱偏受榮遇一朝
去就同顧昔恩越趨輕動志在姦詐朝廷弃瑕藏穢
仍蒙令引庶其鳴音可華取其行間之用位踰其量
過延寵祿藉我風雲遂成鱗羽人列鼎臣出裁節將
勲讎可紀才不足徵而淺器遽盈知小謀大謂已功
名難居物下曾不知狐假武威地憑霧積苞藏禍心

潛圖不軌因總戎之際乘專任之機擁逼兵衆構覺
南服此乃懦夫扼腕之日義士切齒之秋凡在人倫
孰不惜儼而前楊州刺史元神和何悅張慶壽王黑
醜官延和王貴顯侯仙劉崇信張業等九人竝以賤
獲名汗朝簡了無犬馬之識便有梟獍之心密相影
響贊成姦逆隨託豺狼長蛇虺欣其位署委質馳
驅甘厥鈞餌効以死力東西殘掠毒被村塢扇合蛾
蟻終此亂階叛恩背德其此之甚雖蹈名義事非小
人而申禁垂法國有恒典其此九家竝可從憲孥戮
之科理無攸捨自餘拘繫誑誤之徒既懼死僥眉情
非衆禍宜疎天網一原不問因使逆節知濟存之制
傾側獲自安之所

宋順帝西討詔一首

門下豺虺反噬覺阻西州義士厲魂懦夫聳氣秋肅
春水駭陸可殄猶宜薄曜六軍肅行天誅驃騎大將
軍道成神寓英邁敷策深算必能踐機電掩乘利雲
驅便可總統水陸明登大路實憑嘉議以清氛氛
齊明帝北伐慕容詔一首 徐孝嗣

門下自晉氏中微宋德將謝濟臣外叛要荒內侮天
未悔禍左衽亂華巢穴神州遂淹年載朕嗣膺景業

踵武前王靜言隆替思壹區夏但多難甫夷恩化肇
洽典師擾衆非政所先用嚴遠圖權緩北略冀戎夷
知義懷我好音而凶會剿技專事侵掠駭扇異類鐵
聚西偏乘彼自來之資撫其天亡之會軍無再駕人
不重勞傳檄以定三秦一麾而匡禹迹在新舉矣且
中原士庶久望皇威乞師請接結軌馳道信不可失
時豈終朝宜分命方岳因茲太舉侍中太尉鄱陽郡
開國公顯達當覽觀槐陰指授羣帥可使持節本官
公如故便可中外簪嚴明設購賞

梁武帝北伐詔一首

沈約

門下朕膺天明命平壹區宇念在綏懷遠邇康俗濟
人每勅邊荷勿擾疆場自非時來有會因機電掃不
得輕信間諜冒求小利兼欲制勝廟堂以德懷遠而
比得徐彥諸州并郡守啓牒云叢蘭穠醴陳兵淮甸
蜂聚蟻結規犯邊城推之以事理不應爾但遺虜餘
孽肆彼人上僞黨猜離爲日已久羯將元澄熾隙內
構作戎壽春常慮禍及故設此姦數規擾邊鄙望得
推遷少延唇刻而蜂蟻有壽聞之自古兼以淮肥前
庶存本志深應赴之宜寔在斯日便可命將出師乘
機翦定今遣中領軍雲杜縣開國侯慶遠等濟自牛

渚卷甲風塵徑趣長瀨寧朔將軍王僧炳等熊羆三
萬步出橫塘左將軍珍國武旅五萬相係電發北向
鍾離直出肥口冠軍將軍紹叔等養肥四萬飛帆渚
湖帶卷合肥直指淮汴征南將軍茂先等水步六萬
同出廬江風掃壽春及我侵地輔國將軍叔等浮舟
清泗北取下邳雲徹風舉吞蕩彭汴後軍將軍和海
縹波波運出長廣營丘萬國十麾以定左將軍景宇
等總獎鄧銳師底定伊洛征虜將軍丘黑勒華陽之
衆斜趣長安緣邊牧守各據要害紀其歸還勿使能
反侍中穎達等出鎮瓜步枕威江決西道衆軍並受
茂威規非討羣師悉舉秀戎律鄂司雍自如先相督
夫兵者凶器定難屢動廢人費財爲邦所戒便宜因
此營一括囊禹迹先定充司進靡竝涼文軌大同於
是乎在

梁武帝又北伐詔一首

門下周文薄伐實寧邊患漢武命師允恢王略叢爾
犬羊陵繼日久宋氏云襄乘釁逞暴海岱彭鄒翦焉
淪覆雖每存極定雄圖弗舉齊末紕紛復肆姦毒究
葉淮肥仍離內侮僞首惡稔天誅自降凶渠嗣虐險
恩彌流殘釁親黨咀噬黔庶繁役繇興毒賦雲起司

其餘華中州舊族幾足究頸載離塗炭延首南雲
思沾王澤鼎運啓基大業草創奮彼戎心仍窺壇場
皮剝我部侵擾我徐方小豎道遷乘隙背誕凶瞞貪
愚復相苞納前以叛臣難長彼此齊思推心付物庶
必聞同故有移書較陳在昔而方加擁蔽曾無及報
同惡相濟市賈非匹告舍既違難以義獎非威非力
制勝莫從加以醜數云亡幽顯咸應詔諸表微災沴
備兆殄滅之期皎如日月左伊右瀝實殷霜露鳴梟
是宅非謂天道一□已周寔惟冥數取亂之機事協
茲日頃時和歲稔政平人豫華戎內款表疏相屬便
宜廣命羣帥赫然大舉總一車書混同禹迹具位泉
猷等戎卒七萬先定壽春某等武旅五萬揚旌灤峴
既清潁汝臨瀍澗某等鐵騎二萬超影絕羣出自大
徐傍趣鞏洛某等組甲四萬霜鋒曜日發自淮汭直
指金墉某等率羽林趨勇五萬某等率二克剽猛熊
羆十萬同濟彭泗經汴入河某等海舸萬艘徑掩臨
淄某等輕銳五萬風偃濟岱拂茲鉅野汎彼孟津某
勒司郢之師馳果六萬步出義陽橫轡熊耳等率三
州武毅劍客八萬入自曾陽傳檄峭陝暨中嶽而解
鞍指浮橋而一息竝勅某等連旌五萬水陸齊遇具

位泉藻帥徒七萬雲飛靈關北通棧路澄廓隴右凡
此將帥啓塗載路魚麗後軍駟驛繼軌經轍中原括
囊九服伐罪弔人於是乎在大衆外臨宜有總一自
非密親英譽風略兼遠無以專任闕外投律羣師臨
川王宏可權進督南北充徐青冀豫司霍八州都督
非討諸軍事命將出車咸有副貳其位慨可暫輟端
右參贊戎機舟徒雷駭熊武百萬投石拔距之力折
關扣鼎之威岳勳川移風馳電遇鐵馬方原戈船千
里百道并馳同會洛邑截窮通蹶賊掃鯨鯢被仁風
於兩周撫遺黎於趙魏將令溥天之下於斯大同偃
伯靈臺何遠之有元恪若能率某徒屬與觀軍門者
中軍府以時將送當待以列侯之禮

非齊文宣帝征長安詔一首

門下朕撫典運曆數在躬內綏外略志清四海是以
沙塞之外虜馬無跡遼碣已東夷車共軌百蠻畏威
三吳慕義天下九州克寧者八惟有秦隴最爾久隔
風化僭擅一方狼顧鴟時詿誤良善迫脅忠賢置之
內網無由自拔君臨區宇萬物爲心言念關輔能不
憤慨而旣壓亂人思大同混一之期事今日武夫百
萬龍馬千郡含怒書銳爭驅求敵何得真神祇之心

抑將相之請必當訓旅普衆天動雲臨新途舊道長
 驅電擊賊帥宇文黑獺□拒一隅不討日久自許雄
 兒假稱僞將深藏匿跡雖存若亡今于戈不戢輸運
 未止論人指事誰爲厲階不容弘茲度外居之漏網
 斧鉞所用捨此何先類若敢率島合送死東下或由
 舊洛或出太州當親親六軍決機兩陳朕遠尚軒后
 有戰必平近基成湯無征不克策畧所用抑與神通
 小醜區區想所聞悉苟獲交兵天贊我也如其鼠竄
 秦中憑恃險阨擁兵自守不敢動足朕已下水汾流
 成船晉地便當躬先將士起河西入王壁河東猶如
 弄土何用顧瞻眇小取茲枝葉當徑掩長安衆茲凶
 首雖復藏山沒水終不縱置其所部將士足知禍福
 若翻然順疑立忠建効高官重賞事異常倫如其同
 迷不及敢隨逆節軍鋒之下自有恒誅朕以梁邦舊
 敦好睦聞其姦計乃欲都謀荆郢之聞望爲僥倖第
 七上黨王渙雄才猛力氣震三軍賊有耳目豈不委
 具當令其稔勒熊羆□流風卷直指寇塲何往不碎
 王者之言明如日月終不示以虛聲而無實事宜申
 宜內外咸使聞知

非齊文宣帝西伐詔一首

陽休之

門下昔漢祚肇興番隅有竊號之長土德應運吳蜀
 有不羈之酋自魏道陵夷四維板蕩關隴乘釁擅命
 一方狐兔據據假延歲序天網未加生靈塗炭朕握
 符受命臨御兆人九服來撫百蠻稽顙念彼關河獨
 隔王化不有覽勞理無永逸今便親御六軍長驅三
 輔總七萃之雄奮五丁之銳問罪渭濱弔人隴右天
 下大定良在茲辰可以今月二十日出頓勅內外戒
 嚴尚書依式備辦

後周武帝伐北齊詔二首

朕以亭壽爲心遵養時晦遂敦聘好務息黎元而彼
 懷惡不悛尋事侵軼背言負信竊邑藏姦往者軍下
 宜陽覺由彼始兵興汾曲事非我先此獲俘囚禮送
 相繼彼所拘執曾無一反加以淫刑妄逞毒賦繁興
 齊魯軫矜悴之哀幽并企來蕪之望既禍益惡稔衆
 叛親離不有一戎何以大定今白藏辰辰涼風戒節
 厲兵詰暴時事惟宜朕當親御六師冀行天罰庶憑
 祖宗之靈資將士之力風馳九有電掃八紘可分命
 衆軍指期進發

制詔夫樹之以君司牧黔首蓋以除其苛慝恤其患

害朕君臨萬國志清四海思濟一代之人冀之仁壽
之域顧彼齊趙獨爲匪臣乃瞻東顧載深長想僞主
涼德早聞醜聲夙著酒色是耽盤遊是悅奄豎居阿
衡之任胡人寄喉唇之重棟梁骨餒弱爲仇讎狐趙
緒餘降成皂隸人不見德唯虐是聞朕懷茲漏網置
之度外止欲各靜封疆共紆人瘼故也爾之丞相曾
莫是思欲構厲階反貽其梗我之率土咸聞

文館詞林卷第六百六十四 詔卅四 撫邊

中書令太子賓客監修國史弘文館學士上
柱國高陽郡開國公臣許敬宗等奉 勅撰

漢文帝與匈奴和親詔一首

魏明帝答東阿王論邊事詔一首

後魏孝文帝與高勾麗王雲詔一首

隋文帝頒下突厥稱臣詔一首

安邊詔二首

隋煬帝褒顯匈奴詔一首

武德年中鎮撫四夷詔一首

貞觀年中安撫嶺南詔一首

慰撫高昌文武詔一首

巡撫高昌詔一首

撫慰處月處塞詔一首

撫慰百濟王詔一首

撫慰新羅王詔一首

漢文帝與匈奴和親詔一首

制詔朕既不明不能遠德使方外之國或不寧息夫
四荒之外不安其生封圻之內勤勞不處二者之咎
皆自朕之德薄而不能遠達也間者累年匈奴並暴

邊境多殺吏人邊臣兵吏又不能諭其內志以重吾不德夫久結難連兵中外國將何以自寧今朕宿典夜寐勤勞天下憂苦萬姓之惻怛不安未嘗一日忘於心故遣使者冠蓋相望結轍於道以諭朕志於單于今單于反古之道計社稷之安便萬姓之利新與朕俱并細過階之大道結兄弟之義以全天下元元之人和新以定始于今年

魏明帝答東阿王論邊事詔一首

制詔覽省來書至于再三朕以不德風遭爰凶聖祖皇老復見孤弃武宣皇后復卽玄官重此哀愍五內傷剝又以眇身闇於從政是故二寇未誅黔首元元各不得所雖復兢兢坐而待旦懼無云蓋王俠輔帝室朕深賴焉何乃謙卑自同三監知吳蜀未梟而海內虛耗爲憂又慮邊將或非其人諸所開喻朕敬聽之高謀良策思聞其次

後魏孝文帝與高勾麗王雲詔一首

門下得黃龍表知卿愆忤朝旨遣從叔隨使夫儀乾親運必以德信爲先准列作藩亦資敬順爲本若君信一虧何以臨御萬國臣敬覺替豈能奉職宸居故震震作威以明天罰五刑垂憲以肅不恭斯乃人神

之常道幽顯之通規往以明堂聲制皇化惟新勅諸藩侯脩展時見至於言獎羣方勸說荒服每以勾麗虔誠喻屬要戎今西南諸國莫不祇奉大命星馳象魏或名王入謁或藩貳恭覲觀光駿奔欣仰朝祀皇皇之美於斯爲盛而卿獨乖宿款用違嚴勅前辭身病後託子幼妄遣枝親仍留同氣此而可忍孰不可恕也若卿父子審如所許者應遣親弟以赴虔貢如今弟復沈瘳應以卿祖拊體代行過事二三並違朝命將何以固昔房風晚至大禹所以垂威東國關敬周公所以親駕斯宜急急於兩夫邇邇於兵甲者哉但以縱之則萬國同耆劉之則九宅齊肅故也從叔之朝乃西藩常事今於旅見之辰而同之歲時之使於卿之懷寧可安平卿之親弟及卽鄉二人隨卿所遣必令及元正到闕若言老病者聽以四牡飛馳車輿迭路須待卿親至此然後歸反羣后重典今召今朕失信藩辟者尋當振旅東隅曜戎下土收海金賚華夏擁貉隸而給中國廣疆畿於滄濱豐饒使於甸服抑亦何傷乎其善思良圖勿貽後悔如能恭命電赴既往之稽一無所責恩渥之隆方在未已矣不有君子奚能爲國其與朋秀宗賢善參厥衷稱朕意焉

隋文帝頒下突厥稱臣詔一首

門下突厥沙鉢略可汗表如此昔暴風不作故南越
知歸青雲千呂使西夷入貢遠入內向乃事關天機
需相踵抗衡上國止爲寇盜禮節無聞唯有呼韓永
臣於漢竒才重出異代一揆沙鉢略稱雄漢北多歷
歲年左極東胡之土右苞西域之地遐方部落皆所
吞并百蠻之大莫過於此昔在北邊屢爲草竊朕常
曉喻令必脩改彼亦每遣行人恒自悔責今通表奏
萬里歸風披露肝膽遣子入侍盤其區域相率稱藩
往追和輿猶是二國今作君臣便成一體情深義厚
朕甚嘉之蓋天地之心愛養百姓和氣普洽使其遷
善屈膝稽顙畏威懷惠雖衣冠軌物未能頓行而稟
訓承風方當從夏永爲臣妾以至太康荷天之休海
外有截豈朕薄德所致此已勅有司肅吉郊廟宜普
頒行天下咸使知聞

隋文帝安邊詔二首

李德林

門下有陳氏昔在江表劫剝生靈事等怨讎何以堪
命嶺南之地塗路懸遠如聞內慰賦斂食若豺狼賊
署官人情均谿壑租調之外徵責無已一丁年科甲
一具皮毛鐵炭船乘人功殊方異物千端萬緒晨召

暮行夕求且集身充苦役至死不歸物有借公水不
還主與人共市百倍求利詣官申屈一代無期各不
聊生無能自保晝悲宵恨行號坐泣微畜資產殃禍
立至誣以賊盜繫以囹圄貨財不盡性命不存彼土
之人性多純直弗堪州郡濫徭之苦或避山藪規免
且夕卽解及叛申於僞臺歲歲起兵西南征討多縛
良善以充賊隸圓首方足同稟性靈故以上感玄天
有傷和氣南海諸國欲向金陵常爲官非法繫檢遠
人嗟怨致絕往還陳氏云徵厥途非一粗陳聞見其
慈實甚今皇師宣揚朝化凡此諸事已爲百姓除之
重加存恤之理別申愛養之義軍行所及一豪勿犯
外國使人欲來京邑所有船舶汾汴江河任其載運
有司不得搜檢嶺外土宇置州立縣既令擢彼人物
隨便爲官省迎送之煩知風俗之事訓人導德正身
率下必當悉改前弊以副朕懷

門下西南夷俗違僻一隅皆在漢朝始經開拓山數
之內多或生梗頃年以來荒遐率服梯山航海無闕
歲時而種類定繁競相殘賊重譯款邊奉藩屢請咸
乞王師救其暴亂朕受明命爲天下君一物失所載
溪矜惕懷柔止殺前王今典宜遣大使先喻朕懷仍